

主編 黃靈庚 陶誠華

上海古籍出版社

金華宗譜文獻集成
13

金華宗譜文獻集成

一三

蘭谿市委宣傳部 編

目錄

金華宗譜文獻集成（蘭谿宗譜二） 蘭谿市委宣傳部編

施懷德輯

柳

一

浦陽蜀山柳氏宗譜

一

蜀山柳氏宗譜

六二

慈厚柳氏宗譜

九〇

盧

九五

甘溪盧氏宗譜

九五

范陽盧氏宗譜

一〇四

陸

一〇五

蘭谿陸氏宗譜

一〇五

麻

一二三

高峰麻氏宗譜

一二三

梅

一三一

萬田梅氏宗譜

一三一

中和梅氏宗譜

一三九

潘

一四三

西溪潘氏

一四三

石溪潘氏宗譜

一五六

錢

一五九

浦陽錢氏宗譜

一五九

蘭江錢氏宗譜

一六四

西園錢氏宗譜

一八六

邵

一九五

蘭谿邵氏宗譜

一九五

舒

二一一

蘭谿舒氏宗譜

二一一

宋

二四七

浦陽長陵宋氏宗譜

二四七

蘇

二六一

衡陽蘇氏宗譜

二六一

水

二六七

吳興水氏宗譜

二六七

商

二七九

京兆商氏宗譜

二七九

孫

二八三

富春孫氏宗譜

二八三

唐

二九一

東魯唐氏宗譜

二九一

山后唐氏宗譜

三二五

陶

三二九

浦陽陶氏宗譜

三二九

滕

三三五

南陽滕氏宗譜

三三五

大塘滕氏宗譜

三三七

童

三四一

松窩童氏宗譜

三四一

香溪童氏宗譜

三四四

雁門童氏宗譜

三四九

王

三六九

鳳林王氏宗譜

三六九

平川王氏宗譜

三八四

汪

三九五

蔴車汪氏宗譜

三九五

翁

三九七

鹽官翁氏宗譜

三九七

吳

四〇五

社峰吳氏宗譜

四〇五

泰仁吳氏宗譜

四一〇

東塘吳氏宗譜

四一二

伍

四一五

蘭谿伍氏宗譜

四一五

徐

四三九

浦陽徐氏宗譜

四三九

官塘徐氏宗譜

四四四

蓋竹徐氏宗譜

四五三

嚴

四六三

浦陽嚴氏宗譜

四六三

楊

四六七

關西楊氏宗譜

四六七

白露楊氏宗譜

四七四

姚

四七九

龍山姚氏宗譜

四七九

蛟峰姚氏宗譜

四九四

遺芳姚氏宗譜

五〇三

葉

五一

南陽葉氏宗譜

五一

徽東葉氏宗譜

五一四

梨湖葉氏宗譜

五二七

于

五三三

梅溪于氏宗譜

五三三

柵川于氏宗譜

五三六

余

五六九

下邳余氏宗譜

五六九

蘭溪余氏宗譜

五七六

章

五七九

洞源章氏宗譜

五七九

渡瀆章氏宗譜

五九〇

蘭谿章氏宗譜

六五〇

金華章氏世譜

六五三

張

六七七

清河張氏宗譜

六七七

三阜張氏宗譜

六八一

慈厚張氏宗譜

六九七

趙

南陽趙氏宗譜

七〇一

浚儀趙氏宗譜

七三一

鄭

蘭谿鄭氏宗譜

七三七

浦陽鄭氏宗譜

七四四

周

禮源周氏宗譜

七五三

鎮溪周氏宗譜

七五八

坦源周氏宗譜

七六一

朱

葛塘朱氏宗譜

七七三

沛國朱氏宗譜

七七五

紫陽朱氏宗譜

七八九

諸葛

蘭谿諸葛氏宗譜

七九一

祝

八七三

蘭谿祝氏宗譜

八七三

長陵祝氏宗譜

八七五

太平祝氏宗譜

八七八

柳

浦陽蜀山柳氏宗譜

叙

吾先世嘗有譜圖近遭兵燹十不一存自念爲子孫者將以承統系昭先德使其親疎之有別耳苟此之不修將何以爲人後哉於是歷求遺書之僅存者得其承傳之既真以名字世次列爲一圖復以年壽卒葬書之於後其不可知者則略之而士大夫所贈詩文凡有關於世教者亦彙於後裝裱成帙而請翰林學士承旨宋景濂爲之序使後人知所考焉嗚呼惟我柳氏始自河東來遷已十餘世矣咸以詩書爲業仕雖未大顯至予祖文肅公遂以文章名天下爲柳氏子孫者尚思繼前人之志而相勉以德義也時洪武十二年歲次己未季秋之吉第九世孫崇禮齋處士穆叔雍父謹識

序后跋

九世伯祖叔雍父譜叙深醇真切不事浮夸而肇修譜牒之原敦厚宗支之意裝裱詩文之證於是乎在非後來所能步武真前人寶翰也乃吾家舊本從來遺失乾隆甲辰六月余至廿二都柳溪於文學國華家查譜得之喜即抄歸附綴數言於尾以見先世譜圖失此得彼參互可稽果屬同宗之派雖年湮地遠隔絕未通一與溯本尋源

固無不氣求聲應有各自動其親親之意者乎乾隆五十三年歲次戊申二月朔日姪曾孫貢士兆豐康年甫謹跋

柳氏源流譜序

嘗觀楓山章先生傳婺稱小鄒魯名賢迭繼不曰何王金許則曰吳黃柳宋蓋以吾祖文肅公學歸崇正而繼往開來文稱大方而金追玉琢得一大擔焉其有功於道統者不淺也公以上賴先人詩禮相傳或爲儒臺立教爲都巡諫議爲檢閱爲贊政及宋季咸淳之際而又以甲第顯公以下啓後人繼述相承有若紹慶儒宗若琴堂宰牧若輔理若登科迨大明萬曆之初點亦以科甲榮按自宋南渡以來世系十有六七簪纓不替歷有譜牒其間崇禮公之鼎新而水木可稽又良璽公思仁公之間修而秩序粲然今也生齒日繁歷年愈久中恐殘缺點奉制閒居欲舉殘編而一新之適宗叔弟輩希聖希考參軍希進希嵩庠生彥棟彥起彥奇彥芳念及水木本源謹搜家乘遺文生卒葬娶續成六卷如歐蘇式樣而昭穆不紊如星辰麗天而布列森羅投諸梓焉豈爲木之災乎由是文不喪於天道不墜於地上慰在天之靈下開後嗣之傳而孝子慈孫欲見先人而不可得得見先人譜牒遺文宛若親承其左右也家詩書戶禮樂仁率親義率祖則景仰之思與報本之念豈不油然而生哉點幸叨後裔得沐聖恩敢將俚語而附於諸公之後也賜進士第任徽寧池太兵備道第十五世孫希點撰

重修宗譜序

夫彝常勿陳而教化攸行者此勢之必不然也明矣稽古君子不出家而教成豈其異量足恃歟亦於親親尊尊加之意而已則予於今日之譜蓋亦惟本是務乎夫譜爲正名定分之本爲之冠婚以經始喪祭以厚終月吉以讀法歲飲以羞肴視彼長幼無序生卒不詳而宗統服紀世系失考者相去徑庭矣余家世號望族始祖師顏公自河東從宋南渡遷杭復自杭遷浦陽江上相土宇於烏蜀山之麓而家焉其間以辭章顯者有人以循良著者有人以孝友聞者有人越七世而挺生文肅文肅公之父諱金字時聲宋咸淳進士高郵縣令累贈奉訓大夫淮安路泗州知州飛騎尉封浦江縣男祖崇德主簿萬三九公伯祖都巡官萬三二公三世祖池州學錄百六公諸父檢閱官恒四公此皆先文肅而開者也文肅之季振三公祁門教諭一傳爲忠五四公紹慶學正再傳爲相二公永豐縣尉若宜七公爲東昌府知邱縣事自師顏公由元而明而今凡幾百幾十餘年而簪纓不替凡幾輩幾出食靈於地受報於天者不謂不厚矣獨文肅公幼持大節揮金不取見者稱奇輒期遠到資學絕世於書靡所不讀自經史百氏以及兵刑律歷數術方技天文地志佛老家言尤爲精覈故其於文也摭幽發粹若黃河怒湧若白虹麗空遂以名聞天下前後在弟子列者千餘人制作之富懿典麗不直以其文焉已也根究理奧會通性命又將等先秦兩漢而上之司馬遷班固韓愈之徒號爲文章家者亦孰踰於斯哉信於蜀山爲家謨於金華爲邦獻於金匱石室名山大川天下萬世爲國寶也仰其遺像則又凜如而恭泰

然而溫無一疾言遽色令人即之而意消若胡文定公所云立志以明道希文自期待立心以忠信不欺爲主持行己以端莊清慎見操執臨事以明敏果斷決是非誠可取以明吾公之設誠制行矣天歷年來與崇仁虞集豐城揭傒斯烏傷黃潛齊名天下人高之爰號之曰儒林四傑楓山章先生婺稱小鄒魯名賢迭繼前有何王金許後有吳黃柳宋蓋以我祖文肅公之學扶衰起敝崇雅黜浮一以斯文爲己任獎勵多士下學咸思衣被評曰文稱大方金追玉琢昔柳玘嘗著教予家訓公綽公權仲郢濟濟盈廷俱爲唐時美官禮度循循不以宦達少改故當時以柳門家法爲縉紳家楷範此其雜著於經傳者班班可考也揆所由來雖非同宗實不異姓後之析派於蘭叨升斗沾一命者不具論萬曆庚辰進士官歷兵備副使則宗伯點也始乙酉舉人平樂推官則宗兄芳也箕裘克紹則人文之在蘭在浦者亦既各極其盛第余家數屬煨燼載觀往牒若存若亡者半予撫卷而嘆息者屢矣急爲纂輯計愧予以強仕之年青袍尚戀席帽未除安敢以不文之言不遠之行竊附於宋戴諸先生之後雖然崇始所以厚族敦本在於明倫苟昭穆源委爽焉無紀則凡翼子詒孫誰與明夫尊尊親親油然而生孝弟之心乎彙編成帙梓而傳之開示方來非僭也所以顯斯譜之不僅爲家政也書名書氏比春秋之特筆記贊記辭同國史之紀載豈如稗官野乘嗾自鳴徒以雕蟲之技貽笑當世而已哉時順治庚寅冬十一月朔九日十七世孫庠生必暢叙

重修宗世序

余讀史見太古之世一姓之中或止九人而多者亦不過十三人民淳門而族技鹿次序井然將焉用譜迨至後世生齒駁盛族姓蕃衍苟無以彙其全而疎其緒正其名而定其分則淆亂由是起矣先王慮其漸也於是而建之爲譜有三昭三穆之例有世系行第之法始得各安其分各歸其源而此制遂昭垂萬世而不可易如余先世自始祖諱鑄者而後簪纓相繼賢豪代興及傳至七世而翰林待制文肅公出焉文章詩賦與何黃並駕金許齊名家譜纂之舊矣及遞至我世計其不修輯者四十餘載行序紊亂銘贊遺失齒德令名未闡者蓋又十有八九予父慨然欲成先德一日呼吾而督曰汝叨後裔且事經史譜集久壞不爲重整於汝安乎子素切此行事之不果今承嚴命而遂鳴諸衆族長搜簡家乘遺文一姓名號而釐詳爲修輯焉縱不敢與董筆班椽相頡頏亦不至與廬陵眉山相背謬而水木根源分枝別派一展卷而了然矣不特是也即其間有碩人偉士幽韻孤芳不得應徵辟垂青史隱逸於山林沉埋於閭閻者亦可於家乘中一表揚之也吾父之志豈小補哉然而更有虞焉但國史藏之金匱石室家譜掌之有德有行儻有不念先志毀厥家聲將譜自廢令後代有陰陶之惑帝虎之疑非予所敢知也願與子若孫共勉諸十七世孫秉瀛謹識

重修宗譜序

嘗謂家之有譜猶國之有史也國無史不能別善惡家無譜不能明

親疏予族柳氏自河東南渡以來遷居蜀山殆十餘世矣向非宗譜之昭垂則親疏名分之閒其不至雜亂者幾希烏能於族姓之衆聯屬一家相敬相愛而莫或異視者歟是豈僅積累之有自抑維持之有人也然則時至今日其歷年之久生齒之繁較諸前又大不侔矣安可無前承後引者不念及水木之本源而用以維持乎故與伯叔兄弟不得不重爲修輯焉蓋譜一書爲明宗收族而作也尊卑有倫男女有辨以及遠居在外而同爲一派者靡不爲之畢集其間秩然而不紊藹然而可親自有天經地義之所在而天理人心之得以不沒者皆賴是譜有以維繫之也如其不然則仁義之根既除而孝弟之條愈遠世變日下將不止如塗人而已譜豈專爲編年紀月計哉使能盡心於此庶可復明夫事親尊長之誼而輕佻刻薄之風亦少減矣是予於譜恍若庭訓之在耳而趨承恐後初何敢視爲故常以至墜緒而莫之繼也然今宗譜幸已告成而文肅之文章猶然缺略倘族有人起而搜遺文補殘篇而與斯譜共彰明備之盛則詩書傳俗仁讓興家豈非吾之所甚願也哉顧亦何時而得慰吾心哉時順治庚寅年季夏月十七世孫秉觀謹序

重修宗譜序

余族自雍廿三公由河東解州聞喜縣徙居於此歷今二十有一世矣明經科甲文學仕宦代不乏人若夫功名顯著道學宏深者惟文肅公爲最公官翰林院待制兼國史院編修所著有文集若干卷公歿後門人宋景濂戴叔能兩先生纂成二十卷付梓傳行天下宇內名儒爭相諷誦公之文寧不可與眉山蘇老泉徽國朱文公蘭谿之

金仁山東陽之許白雲相與並垂不朽者乎華嘗稽之叙傳聞諸父老而知公之在朝也執立己見不與世阿展周孔之學陳堯舜之道祇盡厥職而無位外之營及解組而歸老矣饘粥時多不給公處之裕如而無怨天尤人之念公也誠後世人士所難與京者也今按吾姓自宋南渡以來家譜宗牒固歷有之然其中缺落者多無所考舛錯者咸失其倫以故焦懷恒存旦暮擔心嘗在枕席矧庚寅至今失續又三十有五年矣假使再逾歲月則戶口益繁而生齒日衆欲尊卑之不失其節長幼之各得其序顧安所得哉華也屬叨後裔忝在宮牆敢不仰追水木之本源而以正名定分爲己任歟於是癸亥冬十二月與叔秉大日暉日演之沂二福兄汝霖汝嘉汝本汝蛟弟汝榮等以翻集之事告諸通族時老成之輩莫不耳聆而心喜且多謂予曰事宜急爲毋容再緩時即有講待來年者汝當置之勿聞視爲迂談而已切不可以俗人之一言而廢厥舉云爰於康熙甲子三月朔越五日搜求全部舊譜挨查合族新下少者名而冠者字之老者於名字之外加載其號以表尊崇之意焉其如婚娶姓氏卒葬墳墓與夫分住他鄉析居別邑者無不紀載使後世子孫追溯某係某太公之派某係某朝奉之裔咸粲然可攷也殘編一勒昭穆聿定雖無裨於人世間寧無補於族黨乎謹將俚語數行附贅諸公之後時康熙歲次甲子菊月十八世孫庠生揚華謹識

重修宗譜序

族之宗譜自崇禮公纂次以來其世系行第固已詳悉分明歷歷可考然越一世又有一世之人丁年遠則源流易淆人衆則昭穆易混

使不重爲修輯但能知其前而不能知其後也至於生卒嫁娶及遠居在外者昏然若夢寐中矣昔兄揚華於康熙甲子春同君美兄璫父等謀諸通族共襄厥事迄今越年三十有五其所當輯修者不已較前日而益甚乎無如人心不振皆謂務非切己若在可緩茲又急其事者仍在候選同知楊華兄也兄見義必爲凡通邑有關於名教者無不爲之捐資刊刻豈宗譜大事曾經歷有年其肯已乎因於秋七月而復告諸君美兄而美兄亦不竟以自專遂與叔士景弟昭聚璫兄君玉併姪惟華咸爲任理新舊譜牒續成六卷以備後日參考閱是書者見其源流明而昭穆序則誠敬孝弟之心油然而生矣先祖有靈能無隱快於地下乎有始有終永矢勿諼若此者亦可謂能用其心也已璫也遙憶吾父今雖不存猶幸有兄與同志者仍克續其家乘不禁企慕而樂序之時康熙五十七年菊月吉旦十八世孫汝璫謹識

重修宗譜序

余思家之有譜猶國之有史也史既不可以失紀譜豈可以不集乎吾族始祖諱鑄號西墅者自河東解州聞喜縣徙居以來代有文人世有傑士而於集譜之事相傳久矣其間或越十年而一修或越二十年而一修甚至越三十餘年而一修重修雖有遠近之殊而要皆無參差之異蓋自後戶口繁而生齒衆欲同居而共處也能乎爰稽其中有分居異鄉者亦有遷徙各邑者夫既有分居遷徙之別豈無殘缺失次之謬既有殘缺失次之謬可無重修補輯之事乎緣是吾兄君俊號步雲者於康熙甲子春同君美兄號邀月主人叔自煥曠

如等已將殘缺者補之失次者序之俾後之閱者知某支遷於某邑某派徙於某鄉以及生辰卒忌嫁娶葬所咸彬彬可考不待問而瞭然者豈非兄之功而叔之力哉亡何日復一日年復一年自甲子迄今越年又三十有五矣環顧余族生卒愈繁嫁娶愈衆修輯之事其可緩乎起問族中有能勝任此責者不亦大快於心哉孰意長者嬾於事老者倦於勤僉置譜事於不論不議之列俊兄於此其忍聽之乎是秋七月因告美兄而言曰家乘久弛幸值年登纂修譜事固當身任奈秋收在邇勢難兼攝兄於譜事經歷已熟曷將此事而商諸衆乎美兄轉而謀諸衆而衆皆應諾因不憚家推戶究之勞而復爲繼先啓後之業星也自愧樗櫟菲材無能贊襄其事幸有胞兄昭聚族姪惟華而亦爲之輔理焉茲值宗譜告成因援筆直書以表其譜事之所以克成而譜源之所以能清有如此者至若先公之功德太祖之道範歷有名贊亦何容余之贅辭爲哉是爲序時康熙五十七年菊月吉旦十八世孫明星謹識

重修宗譜序

星辰次舍有度可尋川嶽森羅有數可紀況乎水源木本而可不知所以聯之也哉夫人之初皆本一祖而生其後派衍支繁而爲千萬人之身年遠則源昧人衆則情疎夫以一祖之身相遇而視若途人者往往有之而親親長長之義幾無聞矣惟有譜在循流可以溯源雖遷居於千里之外者相見不啻若一堂之上是以上古之世譜牒設官以聯絡其宗族而相親相愛敦倫睦族之道莫善於此也吾柳氏自師顏府君由河東解州聞喜縣遷居以來歷今數百餘年木

本水源彰彰可考者全賴作者有人修者有人自康熙甲子至今越歲又三十有五年矣曠日遲久莫此爲甚及今不修保無有舛錯無稽者乎心竊憂之幸吾父與君美伯招聚叔惟華兄等實有同心謀諸通族皆欣然色喜願相與矢公矢慎共襄厥事始於仲秋八月初一日不三月而譜已告竣落成之日諸父昆弟咸舉酒而慶曰譜成矣可告無咎於前人矣雖然余猶有說焉今日宗譜之修非止以誌生卒序婚嫁別遷徙載墳墓而已也且可知某祖以文章科第顯某祖以忠孝廉節著以公正無私見信於宗黨者某祖也以醇謹長厚推重於鄉邦者某祖也則是譜之宜修所關不綦重哉衆皆曰善吾因序而述之還望夫後此者勿以宗譜之事爲可忽也康熙五十七年戊戌秋月十九世孫太學生仲元識謹

重修宗譜序

敦本睦族肇自陶唐尊親親昉於周室宗譜之事固所以重本源厚雍睦也吾族自始祖師顏公隨駕臨安恬退林下由河東聞喜縣遷居浦陽蜀山下至六世祖時聲公授高郵令贈泗州知州封浦江縣男七世祖道傳公官翰林待制胸羅經史學究天人著作盈筭曾經門人宋濂戴良二先生編輯成書爲二十卷傳梓傳世矣迨後達人間出生齒日繁嫁娶彌衆自明洪武己未歲叔雍公始詳爲譜圖維時作叙者則宋太史也及後良璽公成化丙午再修思仁公隆慶壬申重修希點公萬曆間又修國朝順治庚寅更修康熙甲子吾父步雲公謀諸族姓親任其事越後三十有五年戊戌續修以來歷今又十有九年矣嗚呼吾父手澤猶存慈容莫挽終天之恨觸目痛心

然父志無窮而年不逮亦欲爲之後者承其志於勿替也夫莫爲之前雖美勿彰莫爲之後雖盛勿傳則承先啓後烏可緩也豈敢自棄樛櫟而置其事於不講哉今丙辰歲恭遇聖主龍飛時和年豐爰是與伯叔兄弟子姪輩定議請厥譜師共勸其事序昭穆明長幼書生卒記嫁娶載墳墓有善必錄彷彿華衰之榮有過必懲直等斧鉞之嚴且可知祖功宗德彪炳寰區瓜瓞綿綿有自來也凡我族姓孫子須當爭自濯磨克繼前徽奮志窮經以壽文脉則以光國乘者光家乘是所望於後之繼起者也今宗譜告成因直書數言以附簡編時乾隆元年歲次丙辰黃鍾月十九世孫貢生仲元謹識

文肅公祀田記

禮曰惟士無田則亦不祭此祀產之所由立也吾家七世祖待制公居官廉潔囊橐蕭然祀產無留將何以爲報本追遠之具哉是以康熙三十八年間祠長先祖士輜族叔祖元征士煥士浩士教士景族伯君哲君緒君心君美暨先父君俊先叔君耀族兄惟安惟林惟茂等各出己銀設立資本并協追服婦銀兩立約生放置田後爲重建宗祠將田易銀用外并有餘田開列於後一土名巖洞口田一畝六分一土名蘆萃塢田一畝五分一土名拾畝上第二甲田二畝二分共田五畝照房輪種不得紊亂其租銀至清明時宰牲以往白棗鋪荆山拜祭文肅公領籌散胙裔孫仲元謹記

文肅公祀田記後跋

粵稽始祖師顏公之祠國朝康熙五十年重建者也先是太高祖聰

農公即士輜公爲祠長湊合會資經營滋息各房長均有銀本滙合其中先高祖步雲公善爲繼述康熙辛卯年間與通族重謀建造工程浩大不浪費一金不枉屈一家始祖祠宇落成之外而待制公祀田五畝有零皆於祠費之內酌議辦祭周繳詳備綽有餘裕先曾祖元山公所述記文絲毫不爽所謂不妄增亦不妄減迄今百六十餘載後裔展眷讀之昭昭然在人耳目也時道光辛丑年七月七日曾孫瑞伍謹跋

柳氏源流紀略

柳氏本姬姓由魯孝公公子展爲展氏展禽食邑柳下爲柳氏初居魯地後籍河東六朝嘗有顯者而最盛於唐至北宋吾族始祖鑄公係誠公幼子宦遊京邸官參議大夫徽宗乙巳金人圍太原二世瀚公年二十自解梁聞喜奉母夫人繆避兵渡河依父居汴高宗己酉扈蹕臨安娶杭州俞妣明年生登鄉科池州府學正浦祖森公又六年生蘭祖彬公後參議公以秦相柄國來隱橫溪世傳七架屋基有齋名哀斧其南爲篁竹園集載蜀溪溪水上及左右幕篁篠是始居故處四世蘊公五世迪功郎崇德縣少府補之公六世咸淳丁卯進士金公曾授高郵令未上元興杜門終老子四賀公無後實公遷鮑塘塢實公繼東陽吾祖貫公行二嘗受業於方謝吳金諸遺老初以父思宋室無意尊榮及父卒六年始應察舉乙巳爲教諭辛酉由國子助教進博士父贈承事郎母俞妻盛封宜人丙寅由太常博士提舉江西學政加贈父階奉訓大夫官淮安路泗州知州勳飛騎尉爵封浦江縣男母妻皆晉縣君秩滿歸家著書卒歲作靜儉翁像贊以